

Epistles of Christ/ Mpala e Kristo

Tang'amu enkirorokino Olainining'oni lai Enkae rishata sidai ena nikintoki aaning Oreori le Nkai. Dorothy Program ena nayua TWR. Ore te nkata natulusoyie naimaka Oreori ojo; **Enkaji e Nkai Naishu**; Ore tena olong naa kaimaki Oreori ojo; Mpala e Kristo Mairiamari naa pee emayiani yiook tenebo. Kaaji nanu D.S Ole Nteeni. Ore too **ilbrania 10:19** nikintadoyio najo Oreori le Nkai: Ore te nkaraki nena, ilalashera, ore naa amu eikiaata iyiook enkitieunoto nikijing'ie in ewueji Sinyati to sarge le Yesu teina oitoo ng'ujuk Naishu natoboloko ninye iyiook teilo karasha aa taa to sesen lenye. Nikiata sii olapolosani kitok Oitore Enkaji e Nkai neitodolu ena ajo ore ilo asar lo Sarge le Yesu Kristo naa ninye oiwuang'ie ilo Karasha pee kitum enkoitoo nikibaikinyie enatii Enkai. Tadamu ajo etiaakaki Miriam te **Luka 1:35** Newaliki Olmalaika ajoki 'Kelotu Enkiyang'et Sinyati shumata yie nikintoip engolon olotii Shumata Aisul ore te nkaraki ina ore enkerai naini neji Sinyati enkerai e Nkai. Niaku ore ilo Otoiwuoki netii Enkai atua ninye. Neisilig ninye Enkai Papa ilo otii Shumata. Niaku meeta ninye entioto. Naa ina apa pee ewuang'a ilo karasha apa otii Enkaji Enkai. Ore apa eirimarie ilkmok Yesu netii apa ilemeyioolo ajo kainyoo natii atua ninye. Kake ore taata naa ekindim aaimariria ninye. Ore te mbuku **Enaidurra 34** nikisum enkitoo Enkai ina kata eiriamarie ninye Musa. Niaku ore pee wshuko Musa alo enatii iltung'ana eidipa anotore Enkai naa meidim apa iltung'ana kumok aatinyikaki ninye te nkaraki enkitoo e Nkai. **2 Ilkorontio 3:13** Mikitiu anaa Musa oimulumul apa enkomom pee meduaaya Isiraeli eishari ina Wang'an. Ekibung'a pasa ena kitoo e Nkai enking'asia? Tadamu ajo eiperre apa Olkarasha le Nkaji e Nkai pee kitum enkoitoo nikibaikinyie enkitoo e Nkai. Tadamu sii yie tenitii Shumata ntarasi nitii atua enkitoo e Nkai, esidano e Nkai tenebo enkitoo enye. Mitokini aata ing'ok tena rishata. Tushukoki Enkai enashe teina. Teniboitare ninye ntarasi netii enkitoo enye tenebo yiook. Ore ninye lelo likitagor, tena kenyor Yeesu naa ekipuo aaku tenebo. Ketii ilo karasha laa kelo aor iyiook te nkaraki lelo lemeiruk. Eimaki sii Isiraeli ina kata pee eany ninche Olaitoriani nejo **2Ilkorontio 3:2** nejo intae maate empalai e rrepet ang. Naigeroo too itauja linyi pee eyioloumni neisum iltung'ana pooki. **3**. Keibala nchere irara untae empalai naing'uaa Kristo naa iyiook ooiarasutua neme olng'eriantus eigerore kake Enkiyang'et e Nkai Naishu, neme too soito eigerore kake too itauja loo itung'ana. Etii apa oltung'ani obo moruo onyor atejo ira empalai naigeroo too itauja lang nayioloi pee eisum iltung'ana pooki. Kitodolu nchere ira emasaa enkitoo Olaitoriani pee edoli Kristo tiatua yie. Niaku ira empalai naisumi pee edol iltung'ana Kristo tiatua yie. Itumoyu pasa? Kegira pasa ina kitoo alotu? Niaku tenikisum iltung'ana netumoki aatinyikaki Kristo. Kintinyikaki Kristo kewann iltung'ana eimu iyie. Toliki yiook mbaa naasita Enkai te nkishui ino amu ekinyor iyie. Kalo aisum Oreori pee kindip;

Dorothy Program ena nayua TWR. Aimaka Oreori ojo: **Mpala e Kristo**. Irorie yiook te letters@TWR.CO.KE arashu 0721970520.

Nining'o kulie Kipintini te TWR360 Online.

Kaaji D.S Ole Nteeni.